



Ulloq: 10. juni 2025
Allaffik: Nordatlantkontoret
Suli.sulia: Simon Holmelund Lange
Suliap normua: 2019-00520
Takussutissiaq: 3700172

EQIKKAANEQ

Domstolsstyrelse pillugu inatsisip allanngortinneqarnera pillugu inatsisip assigiinngitsut Kalaallit Nunaannut atuutilersinneqarnissaat pillugit peqqussut

Pisortat eqqartuussutit pillugit paasissutissanik katersivianni, inatsisikkut nr. 1867-ikkut, 29. december 2015-imeersukkut Danmarkimi eqqunneqartumi, Kalaallit Nunaanni aalajangiinerit aamma ilaalernissaannut periarfissaliissutip pissarsiarineqarnissaa peqqussutip siunertaraa.

Tassunga atatillugu eqqartuussutit pillugit paasissutissanik katersivik digitaliusoq pillugu, imm. 1 malillugu Domstolsstyrelsip ingerlataani, § 9 a nutaaq ilanngunneqassaaq. Eqqartuussutit aamma sulianik suliarinninneq pillugu paasissutissat, Domstolsstyrelsip imm. 2 malillugu tigusai, pisortat ingerlatsinerat pillugu inatsip aamma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat malillugu allagaatinik takunnissinnaatitaanermi ilaanneqanngitsut, aammattaaq imm. 3-mi takuneqarsinnaavoq. Aalajangiinerit Kalaallit Nunaanni eqqartuussivinnit aalajangerneqartut, siunissami digitaliusumik eqqartuussutit pillugit paasissutissanik katersivimmi tamanut saqqummiunneqarsinnaanngornissaat, aalajangersakkap taassuma nutaap ilanngunneqarnerata kinguneraa.

Tamatuma saniatigut Domstolsstyrelse pillugu inatsisip, peqqussutikkut nr. 482 af 18. juni 1999-ikkut Kalaallit Nunaannut atuutilersinneqartup, peqqussutip atuutilersinneqarnerata kingorna Danmarkimi inatsimmi allannguinerit suliarineqarsimasut allannguutigalugit, nutarterneqarnissaanik peqqussut siunertaqarpoq. Inatsimmi § 4-mut allannguutit arlallit uani pineqarput, taakkulu Domstolsstyrelsip siulersuisui malittarisassiuuppaat. Pissutsit tulluuttut malitsigisaannik allannguutit kingunerisaannik aaqqiinerit uani pineqarput:

- ”Landsarbejdsrådet” ”Beskæftigelsesrådet”-imit taarserneqarnera,
- ”HK-Landslubben Dommerkontorerne”-p aqqa ”HK Landsklubben Danmarks Domstole”-imut allanngortinneqarnera,
- Domstolsstyrelsip siulersuisuini ilaasortaq, eqqartuussivinni inatsisilerinermut tunngasumik sulisunit, eqqartuussisunngortinneqarsimanngitsunik, sinniisuuusoq, massakkut aamma ilinniagartuunut allanut inatsisileriiuujunngitsunik sinniisunngornera, kiisalu
- Illoqarfimmi eqqartuussiviup præsidentianik, illoqarfiit eqqartuussiviini præsidentit ataatsimoorlutik innersuussinerat malillugu inatsiseqarnermut ministerimit ivertinneqartumik, Domstolsstyrelsip siulersuisui ilaneqarnerat.

Inatsisip § 4-raanut allannguutissatut siunnersuutigineqartut taamaalillutik imaqarnermikkut allannguutininik kinguneqanngillat, kisianni Domstolsstyrelsip siulersuisuisa katitigaanerannik piviusuusunik peqqussut ersersitsivoq.

Peqqussutip ulloq 1. januar 2026 atuutilernissaa siunnersuutigineqarpoq.